



## Publicaziuns dalla vischnaunca, jamna 37

### Damonda da baghegiar

**Nr. 2011-1056**

**Datum da publicaziun:** ils 16 da settember 2011

**Il patrun:** Vischnaunca da Mustér, caum postal 57, 7180 Disentis/Mustér

**Il representant:** Uffeci da baghegiar, caum postal 57, 7180 Disentis/Mustér

**Object:** Serenera nova per l'ucliva da Madernal, parcella nr. 2232, Madernal, 7180 Disentis/Mustér

Il plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta scretta dil recurrent ni da siu representant.

Disentis/Mustér, ils 12-9-2011

*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandonta lubientscha da baghegiar:

**Nr. 2011-1041**

Anton Columberg-Van den Heuvel, Via Clis 23, 7180 Disentis/Mustér; indrez fotovoltaic sin tetg dalla stalla e dil baghetg annex, parcella nr. 540, Caschuarz, 7180 Disentis/Mustér.

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 13-9-2011

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

**Nr. 2011-2091**

Adolf Schmed Lutz e Andreas Jacomet, 7182 Cavardiras; construcziun d'in parcadi, parcelas 2141 e 2142, Via Clavau, 7182 Cavardiras.

**Nr. 2011-2093**

Christian Duff, Pardomat 5, 7180 Disentis/Mustér; construcziun d'in tgamin niev, parcella 382, Pardomat 5, 7180 Disentis/Mustér.

**Nr. 2011-2094**

Florentin Tenner, Via Prau 2, 7180 Disentis/Mustér; installar collecturs da sulegl sin tetg casa, parcella 1594, Via Prau 2, 7180 Disentis/Mustér.

**Nr. 2011-2095**

Viafier Retica, Bahnhofstrasse 25, 7002 Cuera; lavurs da manteniment vid il baghetg dalla staziun, parcella 706, Via dalla Staziun 4, 7180 Disentis/Mustér.



**Nr. 2011-2096**

Duri Huonder, Via Salez 101, 7186 Segnas; dessegn vid la fatschada dalla casa, parcella 282, Via Salez 101, 7186 Segnas.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 12-9-2011  
*Uffeci da baghegiar Disentis/Mustér*

---

**Annunzias per la fiera s. Martin**

**La fiera da s. Martin ha liug uonn gliendisdis, ils 14 da november 2011.**

Annunzias per stans da fiera ein da far a scret entochen mesjamna, ils 5 d'october 2011 all'administraziun communal. Annunzias suenter quei termin san buca pli vegnir risguardadas.

*Administraziun communal Disentis/Mustér*

---

**Quartier Caschuarz**

Ils 23 da matg 2011 ha la suprastanza communal orientau interessents davart il studi per ina surbaghegiada a Caschuarz. Entochen oz ei semussau ch'ei exista plitost igl interess d'acquistar singulas parcelas e meins habitaziuns da cumproprietad. Per saver segirar la parcella a liunga vesta sto la suprastanza communal prender proximamein decisiuns. Per quei vegnan interessents envidai d'annunziar lur interess da separticipar ad ina surbaghegiada tenor las variantas dil studi respectivamein d'acquistar terren.

Persunas interessadas vegnan supplicadas d'annunziar lur interess a scret **entochen ils 30 da settember 2011** alla suprastanza communal, caum postal 57, 7180 Disentis/Mustér. Las annunzias han da cuntener, schebein igl interessent vul far part d'ina surbaghegiada tenor il studi ni schebein el vul acquistar ina part dalla parcella.

En cass d'in acquist da terren, duei la surfatscha giavischada vegnir indicada. Sch'ei vegn giavischau ina participaziun alla surbaghegiada, duei vegnir communicau la varianta favorisada.

Vischins che vulan prender investa dil studi san far quei cun s'annunziar al spurtegl dall'administraziun communal.

Disentis/Mustér, ils 6-9-2011  
*Suprastanza communal Disentis/Mustér*

---

**Clauder pastira**

L'administraziun communal sto adina puspei prender encunter reclamaziuns da hosps ed indigens en connex cun transitar pastiras sin sendas officialas da spassegiar e viandar. Gest tier la pasculaziun da vaccas-mumma ein differentamein sedai malemperneivels ni schizun prigulus inscuters.

Nus supplichein ils possessurs d'animals da clauder lur terren e las pastiras aschia, ch'ils viandonts san passar sin las sendas senza impediments e senza disturbar ils animals che pasculeschan. Cheutras duei vegnir impedi ch'ils animals attaccan persunas, quei che sa haver malemperneivlas consequenzas cun pretensiuns da responsabladad.

Bien engraziament pil risguard.  
*Suprastanza communal*



## Controlla da habitonts

### **Naschientscha**

Ella-Marie Spescha, naschida ils 26 d'uoost 2011, feglia da Robert Meier e Marianna Spescha.

---

## Gesteins- und Bodenproben

Vertreter der NV Gold Corp., Vancouver/Kanada, werden **ab 20. September 2011** während ca. 4 bis 6 Wochen in den Gemeinden Disentis/Mustér, Medel/Lucmagn, Sumvitg und Trun Begehungen vornehmen und oberflächlich Gesteinsproben sammeln.

Zudem werden auf Gemeindegebiet Disentis/Mustér und Sumvitg auf den südlichen Bergflanken systematisch oberflächlich kleine Bodenproben entnommen.

Wir bitten Sie um Verständnis für allfällige Störungen auf den privaten Grundstücken. Diese Publikation dient dazu, allenfalls betroffene private Grundeigentümer zu informieren.

Die Gemeinden sind über das Vorhaben informiert und mit diesem Vorgehen einverstanden.

*NV Gold Corporation, Vancouver/Kanada*

---

## Preavis: Rimnada da pupi

### **Venderdis, ils 7 d'october 2011**

**Adatg!** Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00) e buca durant la rimnada.

Bien engraziament per Vies agid e sustegn!

*Scolas Mustér, Ch. Berger*

---

## Cussegl pastoral/cerchel social-caritativ

Nus envidein nossas senioras e nos seniors da far ina viseta a Surrein en la destillaria da vinars **gievgia, ils 29 da settember 2011**.

Nus s'entupeiin allas 13.30 avon halla Cons e mein cun autos privats a Surrein.

*Laurenzia Schnoz e Marie Louise Deflorin*

---

## Apparats d'udida

**Gliendisdis, ils 26 da settember 2011 denter las 14.00 e las 16.00** saveis Vus schar schubergiar e regular Vies apparat d'udida en Casa da tgira Sursassiala. L'uniun Pro Audito Chur, cun Arthur Jacomet fa quei survetsch per tuts interessents gratuitamein.

**Liug:** Casa da tgira Sursassiala.

Cordiala invitaziun  
*Casa da tgira Sursassiala*



## Pro Senectute

### ***Cuors trenament dalla memoria a Tujetsch Fitness per las cellas grischas!***

En quei cuors trenein nus sistematicamein la concentraziun e la habilitad da tener endamen. Nus engrondin nies scazi da plaids ed exercitein d'anflar meglier ils plaids. Nus emprendin d'integrar pli sapientiv nos senns e savein leutras augmentar noss'attenziun.

*«Il spert dil carstgaun ei buc in cup che vul vegnir emplenius, mobein in fiug che vul vegnir envidaus.»  
(Plutarch)*

**Liug:** vegn aunc communicau

**Datas:** 4x gliendisdis, naven dils 3 d'october 2011

**Temps:** 13.30–15.45

Menadra Monika Berther-Sommer, dil cuors: gerontologa Sgipa

Annunzias ed informaziuns: tochen ils 19 da settember tier la Pro Senectute Grischun, Alexanderstrasse 2 7000 Cuera, tel. 0844 850 844 (tariffa locala)

Il vast program dallas differentas purschidas da cuors e formaziun dalla Pro Senectute per personas pensiunadas san ins retrer tiel post regional dalla Pro Senectute Surselva a Glion sut telefon 081 925 43 26.

---

## Gruppa da gimnastica per senioras, Mustér

Nus envidein cordialmein nos seniors e tut tgi che ha plascher da festivar cun nus il giubileum da 40 onns gruppa da gimnastica per senioras **dumengia, ils 25 da settember 2011 allas 14.00** en halla Cons.

Nus selegrein da Vossa viseta

*las menadras Lorenzia Cajacob, Sabina Manetsch ed Ingrid Flepp*

---

## Invit ad ina radunonza extraordinaria dils possessurs da dretgs e pursanavels dall'alp Russein

**Venderdis, ils 23 da settember 2011  
allas 20.00 el hotel «Cucagna».**

### ***Tractandas:***

1. Sanaziun turbina
2. Varia

En num dils possessurs da dretgs e pursanavels dall'alp  
*Russein gl'ugau d'alp*



## Uniun da dunnas Mustér

### L'uniun da dunnas Mustér organisescha ils suandonts cuors:

#### **Figuras da Nadal**

**Menadra:** Marlis Lutz, Mustér

**Liug:** local Uniun da dunnas Mustér

**Temps:** 19.00–22.30

**Datums:** mardis, ils 25 d'october,  
8, 15, 22 e 29 da november,  
6 e 13 da december 2011  
gievgia, ils 27 d'october,  
3, 10, 17 e 24 da november,  
1, 8 ev. 15 da december 2011

**Annunzias:** las annunzias prenden bugen encunter tochen ils 26 da settember 2011: Sigrid Loretz, tel. 081 947 40 29, natel 076 517 88 79, Marlis Lutz, tel. 081 947 57 25

#### **Fletrar folets (Wichtel)**

**Menadra:** Annamaria Schnoz

**Liug:** local Uniun da dunnas Mustér

**Temps:** 19.00–22.00

**Datums:** ils 6, 11, 13, 18 ed ils 20 d'october 2011

**Annunzias:** Las annunzias prendel bugen encunter tochen ils 26 da settember 2011: Sigrid Loretz, tel. 081 947 40 29, natel 076 517 88 79, e-mail: [sigrid\\_loretz@hotmail.com](mailto:sigrid_loretz@hotmail.com)

#### **Steilas da strom**

**Menader:** Dionys Steger

**Liug:** local Uniun da dunnas Mustér

**Temps:** 19.00–22.00

**Datums:** ils 7, 9, 21 ed ils 28 da november 2011

**Annunzias:** Las annunzias prendel bugen encunter tochen ils 26 da settember 2011: Sigrid Loretz, tel. 081 947 40 29, natel 076 517 88 79, e-mail: [sigrid\\_loretz@hotmail.com](mailto:sigrid_loretz@hotmail.com)

---

## Colonna d'agid Mustér

### **Cuors da reiver per affons**

Gia dapi biars onns oganisescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver vegn organisau durant 9 mesjamnas sera in cuors da reiver per affons dalla 2. entochen 9. classa.

**Liug:** Halla da reiver el Center da sport e cultura, Mustér

**Entschatta:** mesjamna, ils 26-10-2011

**2. entochen 4. classa, 17.00–18.30**

**5. entochen 9. classa, 18.30–20.00**

**Menaders:** Commembers dalla Colonna d'agid Mustér cun brevet giuventetgna + sport

**Annunzias:** Entochen gliendisdis, ils 24-10-2011 alla Colonna d'agid Mustér, Andri Hendry (tel. 081 947 62 02 ni e-mail: [fam.hendry@bluewin.ch](mailto:fam.hendry@bluewin.ch))

Segirada ei caussa da mintga participont/a.

*Colonna d'agid Mustér*



### Uniun da dunnas Medel

***Cuors step aerobic:***  
*Mira sut Medel/Lucmagn.*

---

### Uniun da dunnas Medel

***Cuors: Tips da fotografar/elavurar fotografias vid computer.***  
*Mira sut Medel/Lucmagn!*

---

### Step aerobic e pilates a Mustér

*Mira sut Cadi ni inserat!*

---

### Ludoteca Mustér

Liug/Ort: Halla Cons, tel. 076 494 39 92  
e-mail: ludoteca@disentis.ch

*Uras d'avertura / Öffnungszeiten:*

Gliendisdis/Montag: 18.30–20.00  
Venderdis/Freitag: 18.30–20.00

---

### Biblioteca populara Mustér

***Liug:*** Casa da scola, tel. 081 947 52 90, biblioteca@disentis.ch

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

Temps d'emprést durent la stad: Fenadur ed uost

*Gliendisdis 18.30–20.00*  
*Venderdis 18.30–20.00*

Nies motto: Leger . . . tedlar . . . mirar . . . !

Nus selegrein da mintga viseta.  
*Biblioteca populara Mustér*

Naven da **gliendisdis, ils 19 da settember entochen venderdis, ils 7 d'october** se presenta il Budo Disentis en biblioteca. Cun material d'informaziun dall'uniun da judo lessen els far attents sin lur purschida per pign e grond.

Gievgia, ils 29 da settember denter las 16.15 e las 17.30 offereschens commembers actives dal Budo Disentis ina demonstraziun en biblioteca populara.

Vegni e mirei!  
*Nus selegrein il Budo Disentis e la squadra da biblioteca*